


Es soll furohin alle
Sontage / so lange das itzige an-
 gestelte Concilium weret / im Stifte inn
 allen Pfarckirchen / fur angangs der Predigt / aufferhalb
 der andern gemeinen Gebet / ein sondere verma-
 nung auff der Cankel dem Volck
 fürgelesen werden /
 Wie volget.



Den ersten Sonntag zum eingang.

Nachdem Gott ein Gott
des friedens ist/ vnd ob aller zwi-
spalt vnd vneinigkei / beuoraus
in Religion sachen / missfallen tre-
get / zudem das aus dem vorge-
fallenen misnuorstande / inn Religion sachen / bey
vns Deutschen / hochbeschwerliche verbitterung
der gemütere / Kriege / Blutuergiessen / vnd sonst
allerley vnrat die Jar vber erwachsen / Hat
die Römische Keyserliche Maiestat / sampt den
Stenden des heiligen Reichs / in vielen derwegen
gehaltenen Reichstegen / auff mittel vnd wege ge-
dacht / wie solche Streitige Religion möchte zu
Christlicher vnd endtlicher vergleichung gebra-
cht werden / Vnd darzu kein besser mittel vnd
weg / dann eben ein gemein Christlich Concilium
finden mögen / Derhalb numals / durch allergne-
digiste beforderung hochberümbter Key. Maie.
vnd bewilligung der Reichs stende / solch gemein
vnd Christlich Concilium zu Trient / im namen
Gottes / wider vorgenommen / dazu sich one zwei-
uel / viel frome / gelerte / vnd Gottfürchtige Men-
ner / aus vnserer Deutschen / vnd andern Natio-
nen / in zimlicher anzal / albereit versamlet haben /

A ij vnd

vnd noch teglich zusammen kommen / So ist vn-
fers gnedigen herrns zu begeren
vnd ernster beuelch an euch / vnd alle seine vnder-
thanen / das jr jetzundt vñ für ohin / so offft jr euch
hierein versamen werdet / zum anfang der pre-
digt / andechtiglich nider kniet / vñ den Allmech-
tigen gütigen Gott / von hertzen bitten wollet /
wie hernacher volget.

**Es soll alle Sontage für der Pre-
digt / diese vermanunge von der
Cantzel dem Volck für
gelesen werden.**

Du geliebten inn dem HERRN / etc. Last
vns den Allmechtigen Gott / vmb seine
gnad vnd erbarmnus anruffen / vnd von
hertzen bitten / das er allen denen / so itzo
auff dem Concilio zu Trient versamlet / seinen
heiligen Geist gnediglich mitteilen / ire hertzen /
sinne / gemüter / durch seine gnad vñnd himelische
weisheit / leiten vñnd richten wolle / damit sie be-
dencken / fürnemen / ordnen / vñnd volziehen mö-
gen / was allenthalbē zu befürderung seiner Göt-
lichen ehre / vnd zu wolfart / heil / vnd seligkeit al-
ler Christen nützlich vnd dienstlich sein möge / domit
aus vorleihung seiner Göttlichen gnaden / für o-
hin

hin alle beschwerliche irrthumen / falsche lehr / vñ
missbreuche aus seiner lieben Kirchen vnd Chri-
stenheit ausgeroth / vnd die reine warhafftige se-
ligmachende Christliche lehr / vnd ware nützliche
Gottsdienste / allenthalben angericht / befördert
vnd erhalten / alle krieg / zwitteracht vnd vnfrieden
gestillet / vñd ware lieb / fried vñd einigkeit / bey
allen Christen gepflantz werde / auff das wir sei-
nen heiligen Namen / inn Gottseliger Christlicher
vorgleichung / vnd warer einhelligkeit anruffen /
loben / vnd preisen / ime in einem ruwigen friedt-
lichem wesen / mit aller Gottseligkeit vñd erbar-
keit / allenthalben inn seiner Christenheit / wolge-
felliglich dienen / vnd alhie seine gnad / vñd
nach diesem leben ewige seligkeit / aus
seiner erbarmnus / erlangen mögen /
Durch Ihesum Christum sei-
nen Son vnsern lieben
HEXAN / Amen.

Kniet nider vnd betet
Vater vnser.

A iij Ein


Ein kurtz Gebete für ein jeden
Christen / wann er den
Glocken schlagf höret.

D Allmechtiger Gott / vnnnd Vater vnfers
HERRN Ihesu Christi / du wöllest die
gnade deines heiligen Geists / in die her-
tze deiner gleubigen miltiglich eingiessen / damit
sie in allen dingen / deinen heiligen willen warlich
erkennen / vnd beide an reinem glauben / vnnnd er-
barm wandel / in einem heiligen frieden / dir
ein freyen wolgefelligen dienst leisten
mögen / Durch Ihesum Chri-
stum vnfern HERRN /
A M E N.

ORATIO BREVIS
tempore Concilij.

Omnipotens Deus, & pater domini nostri Iesu
Christi, gratiam sancti Spiritus tui cordibus fide-
lium tuorum, clemens infunde, vt per omnia volun-
tatem tuam vere agnoscentes, pura fide & pia con-
uersatione in sancta pace liberam & placidam tibi
seruiant seruitutem. Per Christum Dominum nos-
trum, Amen.

Gedruckt zu Erffurdt / Bey Barbara
Sachssinne.



Am 71

Es soll für ohin alle
Sontage / so lange das itzige an-
gestelte Concilium weret / im Stifte inn
allen Pfarckirchen / für angangs der Predigt / aufferhalb
der andern gemeinen Gebet / ein sondere verma-
nung auff der Cankel dem Volck
fürgelesen werden /
Wie volget.

